



30. juli 2015

Inatsisartut Suleriaasianni § 37 naapertorlugu apeqqutit imaattut matumuuna saqqummiuppakka:

Naalakkersuisunut apeqqutit:

- 1. Iisimaneqarnerluni inuit pineqartut akornanni qassit aanngajaarniutininik tuniniaasimannertik pillugu eqqartuunneqarsimasut, pisortat ikiorsiissutaannik pisartagaqarnerisut?**
- 2. Malittarisassat atuuttut naapertorlugit piumasarineqarsinnaanerluni pisortat ikiorsiissutaasa tunniunneqartartut tamaasa ilaannaaluunniit utertinneqartassasut, pisortat ikiorsiissutaannik pisartagaqartoq aanngajaarniutininik nioqquteqarsimanini pillugu pineqaatissinneqarsimappat, tuniniaanerlu pisimappat inuup pineqartup pisortat ikiorsiissutaannik pisartagaqarnerata nalaani?**
- 3. Malittarisassat atuuttut naapertorlugit siunissami piffissami aalajangersimasumi inuk pisortat ikiorsiissutaannik pisartagaqartoq pisartagaannik arsaarneqarsinnaanerluni, aanngajaarniutininik nioqquteqarsimanini pissutigalugu pineqaatissinneqarsimappat?**
- 4. Inunnik isumaginninnermut pisortaqarfiit malittarisassai atuuttut naapertorlugit inuit pisortat ikiorsiissutaannik pisartagallit nakkutiginerulersinnaanerlugit, pineqartut aanngajaarniutininik nioqquteqarneritk pissutigalugu pineqaatissinneqarsimappata, taamaaliornikkut eqqartuunneqarnerup kingorna assersuutigalugu akuttunngitsumik inuussutissannik atuisimannert nalilersorneqarsinnaalersillugu, takuniarlugu pineqartoq pisortanut nalunaarutigineqarsimannngitsunik isertitaqarsimannersoq, taamaasillunilu pisortat ikiorsiissutaannik pisartagaqartariaqarsimannngikkaluarluni?**
- 5. Apeqqutit 2 aamma 4 angerneqarpata, kissaatigaara paasissallugu, periarfissat pioreersut ullumikkut qanoq atorneqartiginersut. Atorneqannngippata kissaatigaara paasissallugu tamatumunnga suna pissutaasimasinnaannersoq.**



6. Apeqqutit 2 aamma 4 naaggaarneqarpata, kissaatigaara paasissallugu Naalakkersuisut isumaqarnersut inatsisitigut periutsitigullu malittarisassiortoqarsinnaasoq, qulaani iliuusissat taaneqartut pisinnaanngortillugit.

(Inatsisartunut ilaasortaq Tillie Martinussen, Demokraatit)

Tunngavilersuut

Danmarkimi TV 2-mi nutaarsiassani ulloq 23. marts 2009 oqaluttuarineqarpoq, akileraaruseriffiit ulluni kingullerni 14-ni ikinnerpaamik rockerini nunasinerillu inupiluusertartuini ilaasortat 100-t attavigisimagaat paasillugulu taakkunanga inuit 55-t pisortat ikiorsiissutaannik pisartagaqartut, peqataanillu inupiluusernarmikkut isertitaqartartut (soorlu aanngajaarniutinik nioqquteqarnermikkut). Akileraaruseriffiit taamani iliuuseqarput nutaaliortut politik akileraaruseriffiillu suleqatigiinnerisigut siunertaralugu inupiluusertartoqatigiit pinerlunnermik inuussuteqartut tigugarinissat.

Inatsisunik atortitsinermut ministereqarfiup Ilisimatusarfiata Rigspolitiillu kingorna misissuinerisa 2010-mi oktoberimi saqqummiunneqartup ersersippaa assigusumik angusaqartoqartoq: tassa politiiit rockerinut inupiluusertartunullu attuumassuteqartut nalunaarsortarsimasaasa 57 % -ii pisortat ikiorsiissutaannik pisartagaqartut soorlu kontanthjælpinik, ullormusianik, napparsimarnersiutisianik aamma siusinaarluni pensionisianik.

Maani Kalaallit Nunaanni hashimik nioqquteqarneq rockerinut pinerlunniatigiinnullu attuumassutilinnit aqunneqanngilaq, aamma rockerinit pinerlunniatigiinnillu aqunneqanngilaq, maani taamaattunik paasisimasavut malillugit soqannginnatta. Apeqqutaavorli hashimik nioqquteqartuutigit (maani pineruakka "aqqusinermi nioqquteqartartut" - anngiortumik eqqusuisartuunngitsut) pisortat ikiorsiissutaannik pisartagaqarnersut saniatigit pinerluttarnermik saniatigit. Aammalu tamanna pinngitsoortinniarlugu qanoq iliorsinnaanersugut.